

Bosna i Hercegovina  
Federacija Bosne i Hercegovine  
Tuzlanski kanton  
OPĆINA SAPNA  
Općinski načelnik  
Broj: 01-11-483/2026  
Sapna, 03.03.2026. godine

Općinski načelnik, na osnovu člana 3. Pravilnika o utvrđivanju postupka i kriterija za dodjelu sredstava iz oblasti sporta i društvenih djelatnosti („Službeni glasnik općine Sapna“ broj 2/18, 1/19 i 3/22), o b j a v l j u j e

### JAVNI POZIV

za dodjelu sredstava za sufinansiranje projekata iz oblasti sporta i kulture u 2026. godini

Općina Sapna poziva sportske klubove i organizacije civilnog društva da dostave prijedloge projekata koji će se realizovati u 2026. godini, a koji su u skladu sa razvojnim ciljevima općine Sapna, iz sljedećih oblasti:

- a) Sport - ukupan iznos raspoloživih sredstava je 25.000,00 KM
- b) Kultura - manifestacija Ljeto u Sapni - ukupan iznos raspoloživih sredstava je 20.000,00 KM.

### I - PRAVO UČEŠĆA

Pravo učešća po ovom Javnom pozivu imaju sportski klubovi i organizacije civilnog društva koji ispunjavaju slijedeće uslove:

- a) da su osnovani i registrovani na području Bosne i Hercegovine,
- b) da svoje aktivnosti realizuju na području općine Sapna ili da su projekti za koje apliciraju namijenjeni građanima općine Sapna,
- c) da se projekti odnose na oblasti sporta i kulture,
- d) da ne obavljaju aktivnosti u ime političkih partija i
- e) da se projekti implementiraju u toku 2026. godine, a najkasnije do 31.12. 2026. godine.

Općina Sapna ima pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju kriterije ovog Javnog poziva.

Projektni prijedlozi se dostavljaju na Prijavnom obrazcu i predaju se na šalteru 5 Centra za pružanje usluga građanima općine Sapna ili se šalju preporučenom poštom.

Uz Prijavni obrazac dostavlja se slijedeća dokumentacija:

- a) Projektni prijedlog koji sadrži: naziv projekta, kratke informacije o aplikantu, podatke o osobi ovlaštenoj za realizaciju projekta, cilj projekta sa opisom aktivnosti planiranih projektom, očekivane rezultate i vrijeme realizacije projekta
- b) Obrazac pregled budžeta projekta i plan potrošnje sredstava
- c) Obrazac za administrativne podatke o aplikantu
- d) Obrazac za finansijsku identifikacionu formu
- e) Rješenje o registraciji
- f) ID broj
- g) Izvještaj o realizovanim projektima u 2025. godini
- h) Program rada za 2026. godinu i
- i) Završni godišnji finansijski izvještaj za 2025. godinu (bilans stanja, te račun prihoda i

rashoda).

Svi navedeni dokumenti sa Prijavnim obrazcem se predaju kao originali ili ovjerene fotokopije.

Aplikant može tražiti ukupan iznos vrijednosti projekta za koji traži sredstva ili dio nedostajućih sredstava, što je dužan naznačiti u zahtjevu.

Projekti koji se neće finansirati:

- a) projekti sportskih klubova i udruženja građana koja nisu opravdala sredstva po ranije odobrenim projektima finansiranim iz budžeta Općine,
- b) projekti koji predstavljaju individualna sponzorstva, stipendije za školovanje ili za učestvovanje u radionicama, seminarima, konferencijama, kongresima i trening kursovima,
- c) projekti koji se ne odnose na sport i kulturu.

## II - PREUZIMANJE DOKUMENTACIJE

Dokumentacija za prijavu na Javni poziv se može preuzeti od 03.03.2026. godine sa web stranice općine Sapna [www.opcinasapna.ba](http://www.opcinasapna.ba) ili u Centru za pružanje usluga građanima (šalter 5).

Sve potrebne dodatne informacije, Prijavni obrazac i elektronska verzija dokumenata mogu se dobiti na šalteru 5 centra za pružanje usluga građanima i na web stranici općine Sapna [www.opcinasapna.ba](http://www.opcinasapna.ba)

## III - PREDAJA APLIKACIJA

Prijave na Javni poziv sa potrebnom dokumentacijom potrebno je dostaviti u zatvorenoj koverti lično na šalter 5 Centra za pružanje usluga građanima ili preporučenom poštom svakim radnim danom u periodu od 8:00 do 15:30 h, na adresu:

Općina Sapna  
Ul. 206. Viteške brigade bb  
75411 Sapna,

sa naznakom "Prijava na Javni poziv za dodjelu sredstava za sufinansiranje projekata iz oblasti sporta i kulture u 2026. godini - NE OTVARAJ".

Javni poziv otvoren je 15 dana od dana objavljivanja na oglasnoj ploči općine Sapna i traje **do 18.03.2026. godine**. Dan prijave na ovaj Javni poziv predat pošti smatra se danom predaje aplikacije općini Sapna.

Za aplikante koji uz Prijavni obrazac ne dostave neophodnu dokumentaciju traženu ovim Javnim pozivom, Komisija će provesti postupak dopune zahtjeva prema podnosiocu, u skladu sa Zakonom o upravnom postupku („Službene novine F BiH“ broj 2/98, 48/99 i 61/22). Ukoliko aplikant i nakon provedenog postupka dopune dokumentacije ne dostavi neophodnu dokumentaciju, Komisija će donijeti zaključak kojim se odbacuje zahtjev aplikanta, u skladu sa članom 67. Zakona o upravnom postupku F BiH.

Aplikanti koji su se prijavili na ovaj javni poziv, biće pismeno obaviješteni o donesenoj odluci u vezi sa njihovim aplikacijama, u roku od 30 dana od dana zatvaranja javnog poziva.

Rezultati Javnog poziva će biti objavljeni na oglasnoj ploči i na web stranici općine Sapna.

Aplikanti koji budu odabrani biće obavezni da prije zaključivanja ugovora dostave Komisiji, uvjerenje o izmirenim poreskim obavezama.

Dostavljeno:

- 1.Web stranica općine Sapna
- 2.Oglasna ploča općine Sapna
- 3.a/a

OPĆINSKI NAČELNIK

Zudin Mahmutović